



Broj: 01-50-1-10-17/14
Sarajevo, 16. 4. 2014. godine

Izvod iz Zapisnika sa 17. sjednice Centralne izborne komisije BiH održane dana 16. 4. 2014. godine u Sarajevu

Prisutni članovi Centralne izborne komisije: g. Stjepan Mikić, predsjednik; gđa. Irena Hadžiabdić, članica; g. Vlado Rogić, član; dr. Suad Arnautović, član g. Novak Božičković, član; g. Branko Petrić, član.

Odsutni: dr. Ahmet Šantić – godišnji odmor.

Ostali prisutni: gđa. Ban Božica, generalni sekretar; g. Jakuf Subašić, šef Sektora za informiranje, međunarodnu suradnju, protokol i obuku.

IV tačka dnevnog reda

Ostalo

1) Inicijativa-Dr. Arnautović

G. Arnautović je izložio razloge za pokretanje inicijative. Istako je da je temom skoro svakog kolegija CIK BiH od januara 2014. godine, bilo stanje u skladištu CIK BiH, na kojim su iznesene krupne, optužbe o kriminalu koji se dešava u istom. Dalje je istakao da su izvršene različite provjere, formirane su komisije i da su dobili usmene izvještaje. On smatra da stvari koje su iznesene na kolegiju su krupne stvari i optužbe, te ako su ti navodi tačni on misli da o takvim stanju u skladištu CIK BiH treba da bude obavješteno Tužilaštvo BiH. Predlaže da se napravi jedna opsežna informacija sa kompletnom dokumentacijom koja je vezana za skladište, računajući i

ugovore koji su se potpisali, spremi i pošalje u Tužilaštvo BiH da bi se procjenilo da li ima krivičnih djela.

G. Mikić je rekao da zadužuje glavnu tajnicu da komisija koja je zadužena za popis stanja u skladištu završi dokumentaciju koju stavljamo na dnevni red kolegija CIK BiH, i vidjećemo kakav ćemo materijal dobiti. Ranije se zaključilo da to treba biti prvi popis skladišta, što do sada nije činjeno i to je greška. G. Mikić je dalje rekao da ako se pokaže u izvještaju da ima obilježje kriminalno kaznenog djela, on također smatra da treba uputiti prema nadležnim institucijama, pa neka oni ocjene ima li elemenata za podizanje kaznenih prijava. Također je rekao da se ovo ne smije rastegnuti u nedogled, traži da se to pripremi do naredne sjednice, odnosno prije preseljenja skladišta u novi skladišni prostor. Dalje je zamolio kolege da se ne daju paušalne ocjene koje imaju jako veliku težinu bez dokaza.

Gđa. Hadžiabdić je rekla da je sve bazirano na insinucijama, da nije još nijedan dokaz vidjela, i da smatra da je bespotrebno uključivati nadležne institucije bez čvrstih dokaza.

g. Mikić je istakao da mu je drago, kad je u pitanju čist papir, odnosno papir koji ostane nakon izbora, kojeg ostane nekoliko tona za prijevremene izbore, da se stanje pokazalo 10 kilograma manjka u odnosu na prikazane kilograme koji su došli u skladište, što je zadovoljavajuće stanje.

g. Petrić je rekao da je sada prilika da se ustroji skladište, da se napravi inventura, kako do sada nisu postojali ni uslovi za to, ali da treba uspostaviti evidenciju i imatu uvida u rad skladišta, te na osnovu toga eventualno nešto poduzimati.

g. Božičković je rekao da sve što je do sada rekao a bilo je vezano za skladišni prosto su bile pretpostavke na bazi procjena, ali sada kada komisija radi ona će doći do nekakvih podataka.

g. Rogić je rekao da kada je u pitanju medijski linč Centralne izborne komisije BiH u zadnja dva dana i pitanje skladišta, misli, i oni koji daju informacije i oni koji ocjenjuju informacije moraju dobro upotrebljavati izraze. Naime, rekao je da se ovdje prije osuđuje nego što se donese akt, te smatra da ukoliko se utvrdi da je to protupravno djelo tada će se pokrenuti određeni mehanizmi istrage i određena tijela uključiti u to. Zato on smatra da ne treba odmah ići na krajnje odnosno Tužiteljstvo BiH.

g. Mikić je zaključio da je inicijativa legitimna, da će nakon podnošenja konačnog izvještaja komisije staviti na dnevni red, i na osnovu toga dalje postupati.